

í málinu: Frumvarp til laga um breytingar á ákvæðum siglingalaga 22. nóv. 1913 um árekstur og björgun.

Nefndin hefir athugað frv. þetta, sem komið er frá háttv. efri deild, og borið það saman bæði við fyrirmynd þess, breytingar þær, er gerðar voru á tilsvarendi ákvæðum dönsku siglingalaganna með lögum nr. 103 frá 29. apríl 1913, og milliríkjasamninga þá, er prentaðir eru sem fylgiskjal I og II með frv. Telur nefndin ekkert athugavert við frv., og ræður háttv. deild til þess að samþykkja það.

Þegar siglingalögin íslensku voru samin og sett, virðist svo sem dönsk lög frá 4. febr. 1898, (sjá fylgiskjal) um breytingar á dönsku skipskráningarlögunum frá 1. apríl 1892, hafi eigi verið þekt. Í 2. gr. laga 4. febr. 1898 segir svo, að dómsmálaráðherra skuli heimilt að veita til þess leyfi, að skip, sem eru eign hlutafjelaga, megi setja á skipaskrá konungsríkisins, ef meiri hluti stjórnarnefndarmanna er búsettur í Danmörku.

Nefndinni þykir nú rjett að grípa færið til þess að gera tilraun til þess að koma samskonar ákvæði í siglingalög vor, þannig að landsstjórninni verði veitt samskonar heimild á Íslandi, sem dómsmálaráðherra Dana í Danmörku. Stingur nefndin því upp á því að setja nýja grein í frv. Þó telur nefndin rjett, að sett sje það skilyrði, að $\frac{2}{3}$ hlutar stjórnarnefndarmanna, að minsta kosti, í stjórn hvers hlutafjlags fullnægi skilyrðum siglingalaganna, til þess að heimilt sje, að veita leyfið.

Loks telur nefndin rjett, að bætt verði annari grein í frv. um það, að fella skuli texta frv. þessa í texta siglingalaganna. Ef svo er gert, er hægara að nota lögin en ef leita þarf ákvæða um siglingaefni á mörgum stöðum.

Leyfir nefndin sjer því að bera upp við frv. þessar

BREYTINGARTILLÖGUR:

1. Heiti frv. verði: Frumvarp til laga um breytingar á ákvæðum siglingalaganna 22. nóv. 1913 um skip, árekstur og björgun.
2. Við frv. bætist ný gr., er verði 1. gr. og hljóði svo:

1. gr. siglingalaganna orðist svo:

Þau skip teljast íslensk, sem heimili eiga á Íslandi og að tveim þriðju hlutum minnst eru eign manna, sem heimilisfastir eru á Íslandi eða í Danmörku eða þar innbornir, án þess að vera ríkisborgarar annarsstaðar. Nú er skip hlutafjelagseign, og skal þá meiri hluti stjórnarnefndarmanna vera búsettur á Íslandi og heimilisfang fjelagsins þar, enda fullnægi hver stjórnarnefndarmaður framangreindum skilyrðum um heimilisfestu eða rjett innborinna manna; þó má ráðherra Íslands veita hlutafjelögum undanþágu frá síðastnefndum ákvæðum, þegar að minsta kosti $\frac{2}{3}$ hlutar stjórnarnefndarmanna fullnægja skilyrðunum um heimilisfestu.

Greinatalan breytist eftir því.

3. Í 5. gr. frv., 3. málsgr., verði »sama manns, eins og«:
sama manns sem.

4. Aftan við 12. gr. frv. komi ný grein, er verður 14. gr., svohljóðandi:
Þá er lög þessi hafa öðlast staðfestingu konungs, skal fella texta þeirra
í meginmál siglingalaga 22. nóv. 1913, og getur konungur gefið þau lög út
þannig breytt sem siglingalög Íslands.

Alþingi 19. júlí 1914.

Sveinn Björnsson,
formaður.

Einar Arnórsson,
skrifari og framsögumaður.

Þorleifur Jónsson. Matth. Ólafsson. M. J. Kristjánsson.

Fylgiskjal.

L O V

om Ændringer i Lov af 1ste April 1892 om danske Skibes Registrering m. m.

VI CHRISTIAN DEN NIENDE o. s. v.

Gøre vitterligt: Rigsdagen har vedtaget og Vi ved Vort Samtykke stadfæstet
følgende Lov:

Paragraf 1.

Til Paragraf 1., 1ste Stykke, i Lov af 1ste April 1892 om danske Skibes
Registrering føjes følgende Tillæg:

Dog kan der ved kongelig Resolution meddeles Tilladelse til, at Skibe,
der gaa i fast Fart paa oversøiske Havne, som Nationalitets-Mærke føre det
danske Splitflag med et foreskrevet særligt Mærke. Denne Tilladelse skal til en-
hver Tid kunne tages tilbage. Endvidere kan der ved kongelig Resolution fast-
sættes nærmere Bestemmelser, hvorefter Skibe, der gaa i Postfart for Staten,
kunne føre et særligt Postflag.

Paragraf 2.

Til samme Paragrafs 3dje Stykke føjes følgende Tillæg:

Justitsministeren skal dog være bemyndiget til at tillade, at Skibe, der
tilhøre Aktieselskaber, indføres i Kongerigets Skibsregister, naar Flertallet af Be-
styrelsesmedlemmerne er bosat her i Riget.

Hvorefter alle vedkommende sig have at rette.

Givet paa Amalienborg, den 4de Februar 1898.

Under Vor Kongelige Haand og Segl.

CHRISTIAN R.

(L. S.)

Rump.